

Masfjorden kommune
Austfjordvegen 2724
5981 MASFJORDNES

Gulen kommune
Eivindvikvegen 1119
5966 EIVINDVIK

Sløvåg, 9.11.20

Søknad om ekstra løyving til Berinvest AS for ferdigstilling av øvingscenteret i Sløvåg.

22. oktober 2020 var styreleiar Odd Harald Eide i kommunestyret i Masfjorden og orienterte om etableringa og slutføringa av øvingscenteret Berinvest i Sløvåg. Kommunestyret i Masfjorden fekk då ei grundig orientering om løyvinga som må til for ferdigstilling, samt grunngjeving for auke i kostnader i høve første budsjett. I tillegg har styremedlem Torill Torsvik Størkersen gitt løypande orientering til både formannskap og kommunestyre i Masfjorden. Gulen formannskap og kommunestyre har òg fått løypande orientering undervegs i prosessen av styreleiar Eide. No står senteret så å seie klart for ferdigstilling. Det manglar eit gassanlegg, mindre byggeteknisk ferdigstilling, teknisk utstyr i konferanserom m.a. I tillegg har Masfjorden forskottet løypande husleige m.m. Det trengst derfor eit ekstra økonomisk løft for å få på plass alt til at øvingane kan start. Ekstraløyvinga er rekna til kr. 675.000 per kommune. I tillegg er det tidlegare gjort vedtak om ein aksjekapital på kr. 100.000,- som ikkje er utbetalt. Styret er av den oppfatning at eit kommunalt tilskot vil vere den beste starthjelpa for selskapet. Eit finansielt alternativ, er at ein hentar inn ekstern kapital frå bedrifter som ynskjer å få tilbodet på plass. Ei slik løysing vil kommunane mest sannsynleg måtte gje frå seg noko av styringa av selskapet, ved utvida styret, utbytte og strategiske val.

Bakgrunn for etableringa var få enkel tilgang på øvingsfasilitetar for brannmannskap i Gulen og Masfjorden Brann- og Redning (GMBR), dette for å lukke avvik i kompetansekrava. Kostnad med å sende brannmenn på øvingsopphald til andre stader, var høvesvis store (kr. 200.000 for ei veke) og desse midlane kunne like gjerne verte nytta for å etablere eit senter lokalt. Forskrifta som stiller krav til både heiltid- og deltidspersonell i brannvesenet skal ha gjennomført grunnutdanning for brannkonstabel, vart gjort gjeldande frå 1. januar 2007 med overgangsordning fram til 31.12.2012, forlenga med 1+2+1år til 31.12.2016. Det var også ein statleg økonomisk kompensasjon med kravet den gongen, men den varte berre for ein kort periode.

I desember 2018 vedtok kommunestyra i Masfjorden og Gulen å etablere selskapet og det vart løyvd inntil kr. 750.000 til formålet. Det viser seg no at dette ikkje er nok til å ferdigstille anlegget. Dette er grunngjeve med ekstrakostander til bygget, inndekking av tidlege

kostnader, dyrare gassanlegg, samt påløpte utgifter som husleige. Koronapandemien har også forårsaka forseinking og auke i kostnader.

Med gass-fasilitetar, innreiing i containerbygg, teknisk utstyr, rekkverk o.a. er ekstrakostnadane (etter faktura sendt til Gulen kommune), rekna til kr. 675.000,- per kommune. Styret tilrår at kommunane framleis har full eigarkontroll på selskapet, så lenge selskapet er i oppstartsfasen og kan regulere ulike behovet for kurs. Beløpet vil òg kunne inngå som ei forskotering på kompetansehevande kurs for brann- og redningsmannskapet i Masfjorden og Gulen, slik at avvik kan verte lukka, om dette er ønskeleg.

Vi håper at kommunane kan finne fram til ei god finansiell løysing som gjer at selskapet kan ferdigstille etableringa av øvingssenteret i Sløvåg. Viser elles vedlagt presentasjon halde 22.10.20.

Med vennleg helsing

Odd Harald Eide (s)
Styreleiar


Torill Torsvik Størkersen
styremedlem